

Staðfesting forsetans á skipulagsskrá fyrir „Minningarsjóð Bjarneyjar J. Frið- 120
riksdóttur og Jóhanns Jónssonar frá Auðkúlu í Arnarfirði“, útgefin á venjulegan hátt að mandatum af dómsmálaráðherra 16. sept. 1954

Skipulagsskráin er þannig:

SKIPULAGSSKRÁ

fyrir Minningarsjóð hjónanna Bjarneyjar J. Friðriksdóttur og Jóhanns Jónssonar
frá Auðkúlu í Arnarfirði.

1. gr.

Sjóðurinn heitir Minningarsjóður Bjarneyjar J. Friðriksdóttur og Jóhanns Jónssonar frá Auðkúlu í Arnarfirði.

2. gr.

Sjóðurinn er stofnaður af börnum þeirra Bjarneyjar og Jóhanns. Stofnfé sjóðsins er kr. 7255.00 — sjö þúsund tvö hundruð fimmtíu og fimm krónur.

3. gr.

Sjóðurinn er af gefendum afhentur hreppsnefnd Auðkúluhrepps. Stjórn sjóðsins skipa 3 menn: oddviti hreppsins, sóknarprestur og bóndinn að Auðkúlu. Sé bóndinn að Auðkúlu jafnframt oddviti kýs hreppsnefndin mann í hans stað. Sjóðinn skal ávaxta í Landsbanka Íslands. Stjórn sjóðsins haldi gerðabók, þar sem bókaðar séu gerðir hennar gagnvart sjóðnum og ársreikningar hans. Þeir skulu endurskoðaðir af endurskoðendum hreppsins. Reikningsár sjóðsins er almanaksárið.

4. gr.

Tilgangur sjóðsins er:

- a. Að styrkja fátækar ekkjur í Auðkúluhreppi, er hafa fyrir að sjá ungum börnum;
- b. að styrkja til náms efnilega nemendur úr Auðkúluhreppi, einkun þó þá er leggja stund á búnaðarnám.

5. gr.

Höfuðstól sjóðsins má ekki skerða.

Tekjur sjóðsins eru:

- a. Vextir.
- b. Gjafir og áheit, er honum kunna að áskotnast.

6. gr.

Þegar sjóðurinn er orðinn 20 000.00 — tuttugu þúsund — krónur má verja allt að $\frac{3}{4}$ ársvaxtanna samkvæmt því sem fyrir er mælt í 4. gr. en $\frac{1}{4}$ ársvaxtanna skal ávallt leggjast við höfuðstólinn.

7. gr.

Leita skal staðfestingar ríkisvaldsins á skipulagsskrá þessari og birta í B-deild Stjórnartíðindanna.

Ísafirði, 6. september 1954.

F. h. stofnenda sjóðsins

Jón Á. Jóhannsson.